

1 Tertulliani De Paenitentia

1, [1] Paenitentiam hoc genus homines quod et ipsi retro fuimus, caeci sine domini lumine, natura tenus norunt passionem animi quandam esse quae obveniat de offensa sententiae prioris. [2] Ceterum a ratione eius tantum absunt quantum ab ipso rationis auctore. Quippe res dei ratio quia deus omnium conditor nihil non ratione providit dispositus ordinavit nihilque non ratione tractari intellegique voluit. [3] Igitur ignorantes quique deum rem quoque eius ignorantia necesse est quia nullius omnino thesaurus extraneis patet. Itaque universam vitae conversationem sine gubernaculo rationis transfretantes imminentem saeculo procellam evitare non norunt. [4] Quam autem in paenitentiae actu irrationabiliter

1. 3 *cf.* Ps. 145, 8; Es. 42, 6; 49, 6; Matth. 9, 27-30

p141 deversentur, vel uno isto satis erit expedire cum illam etiam 15 in bonis factis suis adhibent. Paenitentia amoris simplicitatis liberalitatis patientiae misericordiae: [5] prout quid in ingratiam cecidit, semetipsos execrantur quia benefecerint, eamque maxime paenitentiae speciem quae optimis operibus inrogatur in corde figunt meminisse curantes ne quid boni 20 rursus praestent. Contra paenitentiae malorum levius incubant: denique facilius per eandem delinquunt quam per eandem recte faciunt.

2, [1] Quodsi dei ac per hoc rationis quoque compotes agerent, merita primo paenitentiae expenderent nec umquam 5 eam ad augmentum perversae emendationis adhiberent; modum denique paenitendi temperarent quia et delinquendi tenerent, timentes dominum scilicet. [2] Sed ubi metus nullus, emendatio proinde nulla; ubi emendatio nulla, paenitentia necessario vana, quia caret fructu suo cui eam deus seuit, id

2. 7 *cf.* II Cor. 7, 10

p142 est hominis salute. [3] Nam deus post tot ac tanta delicta humanae temeritatis a principe generis Adam auspicata, post 10 damnatum hominem cum saeculi dote, post eiectum paradiso mortique subiectum, cum rursus ad suam misericordiam maturuisse, iam inde in semetipso paenitentiam dedicavit, rescissa sententia irarum pristinarum ignoscere pactus operi et imagini sua. [4] Itaque et populum sibi congregavit et 15 multis bonitatis suae largitionibus fovit et ingratissimum totiens expertus, ad paenitentiam semper hortatus ei praedicande universorum prophetarum emisit ora: mox gratiam pollicitus quam in extremitatibus temporum per spiritum suum universo orbi inluminaturus esset, praeire intinctionem 20 paenitentiae iussit, si, quos per gratiam vocaret ad promissionem semini Abraham destinatam, per paenitentiae sub-signationem ante conponeret. [5] Non tacet Iohannes paenitentiam initio dicens: iam enim salus nationibus adpropinquabat, dominus scilicet adferens secundum dei pro-

10 *cf.* Gen. 3, 17. 23 13 *cf.* Gen. 9, 8-11 14 *cf.* Gen. 1, 26
18 *ad rem cf.* Iohel 3, 1 — 2, *ad verba* I Petr. 1, 20 19 *cf.* Marc. 1, 4.

p143: 25 missum. [6] Cui praeministrat paenitentiam destinarat purgandis mentibus praepositam, uti, quidquid error vetus inquinasset, quidquid in corde hominis ignorantia contaminasset, id paenitentia averrens et eradens et foras abiciens mundam pectoris domum superventuro spiritui sancto paret

30 quo se ille cum caelestibus bonis libens inferat.

[7] Horum bonorum unus est titulus, salus hominis criminum pristinorum abolitione praemissa; haec paenitentiae causa, haec opera, negotium divinae misericordiae curans, quod homini proficit, deo servit. [8] Ceterum ratio eius, quam 35 cognito domino discimus, certam formam tenet, ne bonis umquam factis cogitatise quasi violenta aliqua manus iniciatur. [9] Deus enim reprobationem bonorum ratam non habet utpote suorum: quorum cum auctor et defensor sit, necesse est proinde et acceptator; si acceptator, etiam remunerator.

40 [10] Viderit ergo ingratia hominum, si etiam bonis factis paenitentiam cogit; viderit et gratia, si captatio eius ad beneficiendum incitamento est: terrena et mortalis utraque.

[11] Quantulum enim compendii, si grato benefeceris, vel dis-

29 cf. Matth. 12, 44

p144 pendii, si ingrato? Bonum factum deum habet debitorem, 45 sicuti et malum, quia iudex omnis remunerator est causae.

[12] At cum iudex deus iustitiae carissimae sibi exigendae tuendaeque praesideat et in eam omnem summam disciplinae suaे sanciat, dubitandum est, sicut in universis actibus nostris, ita in paenitentiae quoque causa iustitiam deo praestandam 50 esse? Quod quidem ita impleri licebit, si peccatis solummodo adhibeatur. [13] Porro peccatum nisi malum factum dici non meretur nec quisquam beneficiendo delinquit. [14] Quodsi non delinquit, cur paenitentiam invadit delinquentium privatum? Cur malitia officium bonitati suaे inponit? Ita 55 evenit ut, cum aliquid ubi non oportet adhibeatur, illic ubi oportet neglegatur.

3, [1] Quorum ergo paenitentia iusta et debita videatur, id est quae delicto deputanda sint, locus quidem expostulat denotare, sed otiosum videri potest. [2] Domino enim cognito 5 ultro spiritus a suo auctore respectus emergit ad notitiam veritatis et admissus ad dominica praecpta ex ipsis statim eruditur id peccato deputandum, a quo deus arceat: quoniam, cum deum grande quid boni constet esse, utique bono nisi

p145 malum non displiceret, quod inter contraria sibi nulla amicitia est. [3] Praestringere tamen non pigebit delictorum quae-10 dam esse carnalia, id est corporalia, quaedam vero spiritualia — nam cum ex hac duplicitis substantiae eongregatione confectus homo sit, non aliunde delinquit quam unde constat —; [4] sed non eo inter se differunt, quod corpus et spiritus duo sunt, atquin eo magis paria sunt, quia duo unum efficiunt, 15 ne quis pro diversitate materiarum peccata earum discernat ut alterum altero levius aut gravius existimet. [5] Siquidem et caro et spiritus dei res, alia manu eius expressa, alia adflatu [eius] consummata; cum ergo ex pari ad dominum per-

tineant, quodcumque eorum deliquerit ex pari dominum
20 offendit. [6] An tu discernas actus carnis et spiritus, quorum
et in vita et in morte et in resurrectione tantum communia-
onis atque consortii est, ut pariter tunc aut in vitam aut in
iudicium suscitentur, quia scilicet pariter aut deliquerint
aut innocenter egerint?
25 [7] Hoc eo praemisimus ut non minorem alteri quam
utriusque parti, si quid deliquerit, paenitentiae necessitatem
intellegamus inpendere; communis reatus amborum est, com-
munis et iudex, deus scilicet: communis igitur et paenitentiae

3. 17 cf. Gen. 2, 7

p146 medella. [8] Exinde spiritalia et corporalia nominantur, quod
30 delictum omne aut agitur aut cogitatur, ut corporale sit quod
in facto est quia factum ut corpus et videri et contingi habet,
spiritale vero quod in animo est quia ut spiritus neque videtur
neque tenetur. [9] Per quod ostenditur non facti solum, verum
et voluntatis delicta vitanda et paenitentia purganda esse.
35 Neque enim, si mediocritas humana facti solummodo iudicat
quia voluntatis latebris par non est, idcirco [etiam] crimina
eius etiam sub deo neglegamus. [10] Deus in omnia sufficit;
nihil a conspectu eius remotum unde omnino delinquitur;
quia non ignorat, nec omittit quominus in iudicium decernat:
40 dissimulator et praevaricator perspicaciae suae non est!
[11] Quid quod voluntas facti origo est? Viderint enim,
si qua casui aut necessitati aut ignorantiae inputantur, quibus
exceptis iam non nisi voluntate delinquitur. [12] Cum ergo
facti origo sit, non tanto potior ad poenam est quanto princi-
45 palis ad culpam? Qua ne tunc quidem liberatur cum aliqua
difficultas perpetrationem eius intercipit: ipsa enim sibi
inputatur nec excusari poterit per illam perficiendi infeli-
citatem, operata quod suum fuerat. [13] Denique dominus

p147 quemadmodum se adiectionem legi superstruere demonstrat
50 nisi et voluntatis interdicendo delicta? Cum adulterum non
eum solum definit qui comminus in alienum matrimonium
cecidisset, verum etiam illum qui adspectus concupiscentia
contaminasset. [14] Adeo quod prohibetur administrare, satis
periculose animus sibi repraesentat et temere per voluntatem
55 expungit effectum. Cuius voluntatis cum vis tanta sit ut nos
solatio sui saturans pro facto cedat, pro facto ergo plectetur.
[15] Vanissimum est dicere: 'volui nec tamen feci'; atquin
perficere debes quia vis, aut nec velle quia nec perficis.
[16] Sed ipse conscientiae tuae confessionem pronuntias, nam
60 si bonum concupisceres, perficere gestisses; porro si ut
malum non perficis, nec concupiscere debueras: quaqua te
constitueris, criminis adstringeris qua aut malum volueris aut
bonum non adimpleveris!

4, [1] Omnibus ergo delictis seu carne seu spiritu, seu facto
seu voluntate commissis qui poenam per iudicium destinavit,
idem et veniam per paenitentiam spopondit dicens ad po-

49 cf. Matth. 5, 17 51 cf. Matth. 5, 27-28

p148 pulum: paenitere et salvum faciam te. [2] Et rursus: vivo,
5 inquit, dicit dominus et paenitentiam malo quam mor-
tem. Ergo paenitentia vita est, quae praeponitur morti. Eam tu

peccator, mei similis — immo me minor: ego enim prae-
stantiam in delictis meam agnosco — ita invade, ita amplexare
ut naufragus alicuius tabulae fidem. [3] Haec te peccatorum
10 fluctibus mersum prolevabit et in portum divinae clementiae
protelabit. Rape occasionem inopinatae felicitatis, ut ille tu
nihil quondam penes dominum nisi stilla situlae et areae pulvis
et vasculum figuli arbor exinde fias, illa arbor quae penes
aqua seritur et in foliis perennat et tempore suo fructus agit,
15 quae non ignem, non securem videbit. [4] Paeniteat errorum
reperta veritate, paeniteat amasse quae deus non amat, quan-
do ne nos quidem ipsi servulis nostris ea, quibus offendimur,
nosse permittimus: obsequi enim ratio in similitudine ani-
morum constituta est.

4. 4 Ez. 18, 32 5 Ez. 33, 11 8 cf. I Tim. 1, 15 12 cf. Es.
40,15 13 cf. Os. 13, 3 cf. Hier. 18, 6. 19, 11; Rom. 9, 21 14 cf. Ps.
1, 3 15 cf. Matth. 3, 10

p149 : 20 [5] De bono paenitentiae enumerando diffusa et per hoc
magno eloquio committenda materia est: nos vero pro nostris
angustiis unum inculcamus, bonum atque optimum esse quod
deus praecipit. [6] Audaciam existimo de bono divini pree-
cepti disputare; neque enim quia bonum est, idcirco auscultare
25 debemus, sed quia deus preecepit: ad exhibitionem obsequi
prior est maiestas divinae potestatis, prior est auctoritas
imperantis quam utilitas servantis. [7] 'Bonum est paenitere
an non?' Quid revolvis? deus preecepit! Atenim ille non
praecipit tantum, sed etiam hortatur; invitat preamio: salute;
30 iurans etiam, vivo dicens cupit credi sibi. [8] O beatos nos
quorum causa deus iurat; o miserrimos si nec iuranti domino
credimus! Quod iterum deus tantopere commendat, quod
etiam humano more sub deieratione testatur, summa utique
gravitate et adgredi et custodire debemus, ut in adseveratione

30 Ez. 33, 11

p150 : 35 divinae gratiae permanentes in fructu quoque eius et emolu-
mento proinde perseverare possimus.

5, [1] Hoc enim dico, paenitentiam, quae per dei gratiam
ostensa et indicta nobis in gratiam nos domino revocat,
semel cognitam atque susceptam numquam posthac iteratione
5 delicti resignari oportere. [2] Iam quidem nullum ignorantiae
praetextum patrocinatur tibi, quod domino adgnito pree-
ceptisque eius admissis, denique paenitentia delictorum
functus, rursus te in delicta restituus. [3] Ita in quantum ab
ignorantia segregaris, in tantum contumaciae adglutinaris;
10 nam si idcirco te delinquisse paenituerat quia dominum coe-
peras timere, cur quod metus gratia gessisti rescindere maluisti
nisi quia metuere desisti? [4] Neque enim timorem alia res
quam contumacia subvertit. Cum autem etiam ignorantes
dominum nulla exceptio tueatur a poena, quia deum in aperto
15 constitutum et vel ex ipsis caelestibus bonis comprehensibilem
ignorari non licet, quanto cognitum despici periculosum est?
[5] Despicit porro qui, bonorum ac malorum intellectum ab

5. 14 cf. Ps. 18, 2. Rom. 1, 19-20

p151 illo consecutus, quod intellegit fugiendum quodque iam fugit resumens intellectui suo id est dei dono contumeliam facit: respuit datorem, cum datum deserit; negat beneficium, cum 20 beneficium non honorat! [6] Quemadmodum ei potest placere cuius munus sibi displicet? Ita in dominum non modo contumax sed etiam ingratus appetat.

[7] Ceterum non leviter in dominum peccat qui, cum aemulo eius diabolo paenitentia sua renuntiasset et hoc 25 nomine illum domino subiecisset, rursus eundum regressu suo erigit et exultationem eius semetipsum facit, ut denuo malus recuperata praeda sua adversus dominum gaudeat. [8] Nonne — quod dicere quoque periculosum est, sed ad aedificationem proferendum [est] — diabolum domino pae- 30 nones? Comparationem enim videtur egisse, qui utrumque cognoverit, et iudicato pronuntiasse eum meliorem, cuius se rursus esse maluerit! [9] Ita qui per delictorum paenitentiam instituerat domino satisfacere, diabolo per aliam paenitentiae paenitentiam satisfaciet eritque tanto magis perosus deo 35 quanto aemulo eius acceptus.

p152 [10] Sed aiunt quidam satis dominum habere, si corde et animo suscipiatur, licet actu minus fiat; itaque se salvo metu et fide peccare, hoc est salva oastitate matrimonia violare, salva pietate parenti venenum temperare. [11] Sic ergo et ipsi 40 salva venia in gehennam detrudentur, dum salvo metu pec- cant. [12] Pro mirum exemplum perversitatis: quia timent delinquunt; opinor non delinquerent, si non timerent! [13] Igitur qui deum nolet offensum, nec revereatur omnino, si timor offendendi patrocinium est! Sed ista ingenia de semine hy- 45 pocitarum pullulare consuerunt, quorum individua cum dia- bolo amicitia est, quorum paenitentia numquam fidelis.

6, [1] Quidquid ergo mediocritas nostra ad paenitentiam semel capessendam et perpetuo continendam suggestere conata est, omnes quidem debitos domino spectat ut omnes salutis in 5 promerendo deo petidores, sed praecipue novitiolis istis iminet, qui cum maxime incipiunt divinis sermonibus aures rigare quique ut catuli infantiae adhuc recentis necdum perfectis luminibus incerta reptant et dicunt quidem pristinis renuntiare et paenitentiam adsumunt, sed includere eam

p153 neglegunt. [2] Interpellat enim illos ad desiderandum ex pris- 10 tinis aliquid ipse finis desiderandi, velut poma, cum iam in acorem vel amaritudinem senescere incipiunt, ex parte aliqua tamen adhuc ipsi gratiae suae adulantur.

[3] Omne praeterea cunctationis et tergiversationis erga paenitentiam vitium praesumptio intinctionis importat. Certi 15 enim indubitatea veniae delictorum medium tempus interim furantur et commeatum sibi faciunt delinquendi quam erudi- tionem non delinquendi. [4] Quam porro ineptum, quam (perversum), paenitentiam non adimplere et veniam delictorum sustinere, hoc est pretium non exhibere et ad mercem 20 manum emittere! Hoc enim pretio dominus veniam addicere instituit, hac paenitentiae compensatione redimendam proponit inpunitatem. [5] Si ergo qui venditant prius nummum quo paciscuntur examinant, ne scalptus ne versus ne adulter,

p154 non etiam dominum credimus paenitentiae probationem prius 25 inire tantam nobis mercedem, perennis scilicet vitae, conces- surum?

[6] 'Sed differamus tantisper paenitentiae veritatem: tunc

opinor emendatos licebit, cum absolvimur'. Nullo pacto, sed
cum pendente venia poena prospicitur, cum adhuc liberari
30 non meremur, ut possimus mereri, cum deus comminatur,
non cum ignoscit. [7] Quis enim servus, posteaquam liber-
tate mutatus est, furta sua et fugas sibi inputat? quis miles,
postquam castris suis emissus est, pro notis suis satagit?
[8] Peccator ante veniam deflere se debet, quia tempus pae-
nitentiae idem quod periculi et timoris. [9] Neque ego renuo
divinum beneficium, id est abolitionem delictorum, inituris
aquam omnimodo salvum esse; sed ut eo pervenire contingat
elaborandum est. Quis enim tibi tam infidae paenitentiae
viro asperginem unam cuiuslibet aquae commodabit? [10] Furto
40 quidem adgredi et praepositum huius rei adseverationibus
tuis circumduci facile est: sed deus thesauro suo providet,
nec sinet obrepere indignos. Quid denique ait? Nihil oc-

6. 41 *cf.* Matth. 13, 44 42 Matth. 10, 26. Luc. 8, 17

p155 cultum quod non revelabitur: quantascumque tene-
bras factis tuis superstruxeris, deus lumen est!
45 [11] Quidam autem sic opinantur, quasi deus necesse
habeat praestare etiam indignis quod spondit, et liberali-
tatem eius faciunt servitutem. [12] Quodsi necessitate nobis
symbolum mortis indulget, ergo invitus facit; quis autem pro-
mittit permansum et quod tribuerit invitus? [13] Non enim
50 multi postea excidunt? non a multis donum illud auferetur?
Hi sunt scilicet qui obrepunt, qui paenitentiae fidem adgressi
super harenas domum ruituram conlocant!
[14] Nemo ergo sibi aduletur quia inter auditorum tiro-
cinia deputatur, quasi eo etiamnunc sibi delinquere liceat:
55 dominum simul cognoveris timeas, simul inspexeris reverearis!
[15] Ceterum quid te cognovisse interest, cum isdem incubas
quibus retro ignarus? Quid autem te a perfecto servo dei
separat? An aliis est intinctis Christus, aliis audienti-

44 *cf.* I Ioh. 1, 5 48 *cf.* Rom, 6, 5 ap. Tert. De carn. res. 47 (97, 7)
52 *cf.* Matth. 7, 26

p156 bus? [16] Num alia spes uel merces, alia formido iudicii,
60 alia necessitas paenitentiae? Lavacrum illud obsignatio est
fidei, quae fides a paenitentiae fide incipitur et commendatur.
[17] Non ideo abluimur ut delinquere desinamus, sed quia
desimus, quoniam iam corde loti sumus: haec enim prima
audientis intinctio est. Metus integer exinde quod dominum
65 senserit; fides sana conscientia semel paenitentiam amplexata!
[18] Ceterum si ab aquis peccare desistimus, necessitate,
non sponte, innocentiam induimus. Quis ergo in bonitate
praececellens? cui non licet aut cui displicet malo esse? qui iu-
betur an qui delectatur a crimine vacare? [19] Ergo nec a furto
70 manus avertamus, nisi claustrorum duritia repugnet, nec
oculos a stupri concupiscentiis refrenemus, nisi a custodibus
corporum obstructi, si nemo domino debitus delinquere
desinet nisi intinctione alligatus. [20] Quodsi qui ita senserit,
nescio an intinctus magis contristetur quod peccare desierit,

p157 : 75 quam laetetur quod evaserit! Itaque audientes optare in-
tinctionem, non praesumere oportet. [21] Qui enim optat,
honorat; qui praesumit, superbit; in illo verecundia, in isto
autem petulantia appetit; ille satagit, hic neglegit; ille eme-
rere cupit, at hic ut debitum sibi repromittit; ille sumit, hic

80 invadit. [22] Quem censeas dignorem nisi emendatiorem? quem emendatiorem nisi timidiorem et idcirco vera paenitentia functum? timuit enim adhuc delinquere, ne non meretur accipere. [23] At ille praesumptor cum sibi re promitteret, securus scilicet, timere non potuit: sic nec paenitentiam 85 implevit, quia instrumento paenitentiae, id est metu, caruit. [24] Praesumptio invercundiae portio est: inflat petitorem, despicit datorem; itaque decipit nonnumquam. Ante enim quam debeatur re promittit, quo semper is qui est praestaturus offenditur.

7, [1] Hucusque, Christe domine, de paenitentiae disciplina servis tuis dicere vel audire contingat, quo usque etiam 5 delinquere non oportet et audientibus: vel nihil iam de paenitentia noverint, nihil eius requirant. [2] Piget secundae, immo iam ultimae spei subtexere mentionem, ne retractantes de residuo auxilio paenitendi spatium adhuc delinquendi

p158 demonstrare videamur. [3] Absit ut aliquis ita interpretetur, quasi eo sibi etiam nunc pateat ad delinquendum, quia patet ad paenitendum, et redundantiam clementiae caelestis libidinem faciat humanae temeritatis! [4] Nemo idcirco deterior sit, quia dominus melior est, totiens delinquendo quotiens et ignoscitur: ceterum finem utique evadendi habebit, qui offendendi non habebit. Evasimus semel: hactenus periculosis nosmetipsos inferamus etsi iterum evasuri videmur. [5] Plerique naufragio liberati exinde repudium et navi et mari dicunt et dei beneficium, salutem suam scilicet, memoria periculi honorant. Laudo timorem, diligo verecundiam: nolunt iterum divinae misericordiae oneri esse, formidant videri inculcare quod consecuti sunt; bona certe sollicitudine iterum experiri deviant quod semel didicerunt timere. [6] Ita modus temeritatis testatio est timoris; timor autem hominis dei honor est. [7] Sed enim pervicacissimus hostis ille numquam malitia sua otium facit, atquin tunc maxime saevit cum hominem plene sentit liberatum, tunc plurimum accenditur cum extinguitur. [8] Doleat et ingemiscat necesse est venia peccatorum

7. 9 cf. Rom. 5, 17 21 cf. Ecclesiastic. 1, 11

p159 permissa tot in homine mortis opera diruta, tot titulos dominationis retro suae eratos. Dolet quod ipsum et angelos eius Christo servus ille peccator iudicaturus est. [9] Itaque observat obpugnat obsidet, si qua possit aut oculos concupiscentia carnali ferire aut animum inlecebris saecularibus inretire aut fidem terrenae potestatis formidine evertere aut a via certa perversis traditionibus detorquere; non scandalis, non temptationibus deficit. [10] Haec igitur venena eius prvidens deus clausana licet ignoscentiae ianuam et intinctionis sera obstructam aliquid adhuc permisit patere: conlocavit in vestibulo paenitentiam secundam, quae pulsantibus patefaciat, sed iam semel quia iam secundo, sed amplius numquam quia proxime frustra. [11] Non enim et hoc semel satis est? Habes quod iam non merebaris: amisisti enim quod accepertas. Si tibi indulgentia domini adcommodat, unde restituas quod amiseras, iterato beneficio gratus esto, nedum ampliato. [12] Maius [est] enim restituere quam dare, quoniam miserius est perdidisse quam omnino non accepisse. Verum

27 cf. I Cor. 6, 3 36 cf. Matth. 7, 7

p160 non statim succidendum ac subruendum est animus despe-
45 ratione, si secundae quis paenitentiae debitor fuerit. [13] Pigeat
sane peccare rursus, sed rursus paenitere non pigeat; pudeat
iterum periclitari, sed [non] iterum liberari neminem pudeat:
iteranda valitudinis iteranda medicina est. [14] Gratus in
dominum extiteris, si quod tibi denuo offert, non recusaveris.
50 Offendisti sed reconciliari adhuc potes: habes cui satis-
facias et quidem volentem!

8, [1] Id si dubitas, evolve quae spiritus ecclesiis dicat:
desertam dilectionem Ephesiis inputat, stuprum et idolothy-
torum esum Thyatirenis exprobavit, Sardos non plenorum
5 operum incusat, Pergamenos docentes perversa reprehendit,
Laudicenos divitiis fidentes obiurgat: et tamen omnes ad
paenitentiam commonet, sub comminationibus quidem. [2] Non
comminaretur autem non paenitenti, si non ignosceret pae-
nitenti, dubium, si non et alibi hanc clementiae suaे pro-

8. 2 cf. Apoc. 2, 1. 4 3 cf. Apoc. 2, 18. 20 cf. Apoc. 3, 1. 2 4 cf.
Apoc. 2, 12. 14. 15 5 cf. Apoc. 3, 14. 17

p161 fusionem demonstrasset: Non, ait, qui ceciderit, resurget
10 et qui aversatus fuerit, convertetur? [3] Ille est scilicet,
ille [est] qui misericordiam mavult quam sacrificia. Laetan-
tur caeli et qui illic angeli paenitentia hominis; heus tu
peccator, bono animo sis: vides ubi de tuo gaudeatur!
[4] Quid illa similitudinum dominicarum argumenta nobis
15 volunt? Quod mulier dragmam perdit et requirit et repperit,
[et] amicas ad gaudium invitat, nonne restituti peccatoris
exemplum est? [5] Errat et una pastori ovicula, sed grex
una carior non erat; una illa conquiritur, una pro omnibus
desideratur, et tamen invenitur et humeris pastoris ipsius
20 refertur: multum enim errando laboraverat. [6] Illum etiam
mitissimum patrem non tacebo qui prodigum filium revocat
et post inopiam paenitentem libens suscipit, inmolans vitu-

9 Hier. 8, 4 10 cf. Os. 6, 6 (Matth. 9, 13. 12, 7) 11 cf. Lue. 15,
7.10 13 cf. ib. 15 cf. Lue. 15, 8-10 17 cf. Lue. 15, 4-7 21 cf.
Luc. 15, 12-32 22 cf. Lue. 15, 20 cf. Lue. 15, 23

p162 lum praeopimum convivio gaudium suum exornat: quidni?
filium enim invenerat quem amiserat, cariorem senserat quem
25 lucri fecerat.
[7] Quis ille nobis intellegendus pater? Deus scilicet: tam
pater nemo, tam pius nemo. [8] Is ergo te filium suum, etsi
acceptum ab eo prodegeris, etsi nudus redieris, recipiet
quia redisti magisque de regressu tuo quam de alterius so-
30 brietate laetabitur, sed si paeniteas ex animo, si famem tuam
cum saturitate mercennariorum paternorum compares, si
porcos inmundum relinquas pecus, si patrem repetas vel
offensem Deliqui dicens, pater, nec dignus ego iam vo-
cari tuus. [9] Tantum relevat confessio delictum quantum
35 dissimulatio exaggerat; confessio enim satisfactionis consilium
est, dissimulatio contumaciae.

9, [1] Huius igitur paenitentiae secundae et unius quanto
in arto negotium est tanto operosior probatio ut non consci-
entia sola praferatur, sed aliquo etiam actu administretur.
[2] Is actus, qui magis Graeco vocabulo exprimitur et fre-

23 cf. ib. 24 cf. Luc. 15, 32 31 cf. Luc. 15, 17 33 Luc. 15,
18. 19. (21)

p163 : 5 quentatur, exomologesis est qua delictum nostrum domino
confitemur, non quidem ut ignaro, sed quatenus satisfactio
confessione disponitur, confessione paenitentia nascitur,
paenitentia deus mitigatur. **[3]** Itaque exomologesis proster-
nendi et humiliificandi hominis disciplina est conversationem
10 iniungens misericordiae inlicem, de ipso quoque habitu atque
victu: **[4]** mandat sacco et cineri incubare, corpus sordibus
obscure, animum maeroribus deicere, illa quae peccant
tristi tractatione mutare; ceterum pastum et potum pura
nosse, non ventris scilicet sed animae causa; plerumque
15 vero ieuniis preces alere, ingemiscere, lacrimari et mugire
dies noctesque ad dominum deum tuum, presbyteris advolvi,
[et] aris dei adgeniculari, omnibus fratribus legationem de-
precationis suae iniungere. **[5]** Haec omnia exomologesis, ut
paenitentiam commendet, ut de periculi timore dominum
20 honoret, ut in peccatorem ipsa pronuntians pro dei indig-
natione fungatur et temporali afflictatione aeterna supplicia
non dicam frustretur, sed expungat. **[6]** Cum igitur provolvit

9. 11 cf. Es. 58,5

p164 hominem, magis relevat; cum squalidum facit, magis emun-
datum reddit; cum accusat, excusat; cum condemnat, ab-
25 solvit: in quantum non pepercenis tibi, in tantum tibi deus,
crede, parcer!

10, [1] Plerosque tamen hoc opus ut publicationem sui
aut suffugere aut de die in diem differre praesumo pudoris
magis memores quam salutis, velut illi, qui in partibus vere-
5 cundioribus corporis contracta vexatione conscientiam me-
dientium vitant et ita cum erubescencia sua pereunt. **[2]** In-
tolerandum scilicet pudori domino offenso satisfacere, saluti
productae reformari! Ne tu verecundia bonus, ad delinquen-
dum expandens frontem, ad deprecandum vero subducens!
10 **[3]** Ego rubori locum non facio, cum plus de detimento eius
adquiro, cum ipse hominem quodammodo exhortatur 'ne me
respxeris', dicens, 'pro te mibi melius est perire'. **[4]** Certe
periculum eius tunc, si forte, onerosum est, cum penes in-
sultatores in risiloquio consistit, ubi de alterius ruina alter
15 attollitur, ubi prostrato superscenditur; ceterum inter fratres
atque conservos, ubi communis spes metus gaudium dolor pas-
sio, quia communis spiritus de communi domino et patre, quid
tu hos aliud quam te opinaris? **[5]** Quid consortes casum
tuorum ut plausores fugis? Non potest corpus de unius

10. 15 cf. Eph. 4, 4-6 18 cf. I Cor. 12, 26

p165 membri vexatione laetum agere: condoleat universum et ad
20 remedium conlaboret necesse est. **[6]** In uno et altero ecclesia

est, ecclesia vero Christus: ergo, cum te ad fratum genua protendis, Christum correctas, Christum exoras; aequi illi cum super te lacrimas agunt, Christus patitur, Christus patrem deprecatur. Facile inpetratur semper quod filius postulat.

25 [7] Grande plane emolumenatum verecundiae occultatio delicti pollicetur! Videlicet si quid humanae notitiae subduxerimus, proinde et dominum celabimus? [8] Adeone existimatio hominum et dei conscientia comparantur? An melius est damnatum latere quam palam absolviri? [9] 'Misericordia est sic ad exomologesin pervenire'. Malo enim † amans si pervenitur; sed ubi paenitendum est, deserit misericordiam, quia factum est salutare. [10] Misericordia est secari et cauterio exuri et pulvri alicuius mordacitate cruciari: tamen quae per insuavitatem medentur, et emolumento curationis offensam 30 sui excusant et praesentem iniuriam superventurae utilitatis gratia commendant.

11, [1] Quid si praeter pudorem, quem potiorem putant, etiam incommoda corporis reformident, quod in lotos, quod sordulentos, quod extra laetitiam oportet deversari in asperitas? 5 tudine sacci et horrore cineris et oris de ieiunio vanitate? [2] Num ergo in coccino et Tyro pro delictis supplicare nos con-

20 cf. Matth. 18, 20

p166 decet? 'Cedo acum crinibus distinguendis et pulverem dentibus eliminandis et bisulcum aliquid ferri vel aeris unguibus repastinandi! Si quid facti nitoris, si quid coacti ruboris [in] labia aut genas urgeat?' [3] Praeterea exquirito balneas laeti-10 ores hortulani maritimive secessus, adiuto ad sumptum, conquirito altillum enormem saginam, defaecato senectutem quamque vini: <si> quis interrogari, cur animae largiaris: 'Deliqui', dico, 'in dominum et periclitum in aeternum perire: itaque nunc pendo et m.aceror et excrucior, ut deum recon-15 ciliem mihi, quem delinquendo laesi'!

[4] Sed enim illos qui ambitus obeunt capessendi ma-

p167 gistratus neque pudet neque piget iucommidis animae et corporis, nec incommidis tantum verum etiam contumeliis omnibus eniti in causa votorum suorum [5] — quas non ignobilitates vestium affectant, quae non atria nocturnis et crudis salutationibus occupant, ad omnem occursum maioris cuiusque personae decrescentes, ullis conviviis celebres, nullis commessionibus congreges, sed exules a libertatis et laetitiae felicitate, itaque totum propter unius anni volaticum gaudium! —: [6] nos, quod securium virgarumve petitio sustinet, in periculo aeternitatis tolerare dubitamus et castigationem victus atque cultus offenso domino praestare cessabimus quae gentes nemine omnino laeso sibi inrogant? [7] Hi sunt, de quibus scriptura commemorat: Vae illis, qui delicta 30 sua velut procero fune nectunt!

12, [1] Si de exomologesi retractas, gehennam in corde considera, quam tibi exomologesis extinguet, et poenae prius magnitudinem imaginare, ut de remedii adoptione non dubites. [2] Quid illum thesaurum ignis aeterni existimamus, cum 5 fumariola quaedam eius tales flammarum ictus suscitent, ut proximae urbes aut iam nullae extent aut idem sibi de die

p168 sperent? [3] Dissiliunt superbissimi montes ignis intrinsecus feti et, — quod nobis iudicii perpetuitatem probat —, cum dissiliant, cum devorentur, numquam tamen finiuntur! [4] Quis 10 haec supplicia interim montium non iudicii minantis exemplaria deputabit? quis scintillas tales non magni alicuius et inestimabilis foci missilia quaedam et exercitatoria iacula consentiet?
[5] Igitur cum scias adversus gehennam post prima illa 15 intinctionis dominicae munimenta esse adhuc in exomologesi secunda subsidia, cur salutem tuam deseris, cur cessas adgredi quod scias mederi tibi? [6] Mutae quidem animae et inrationabiles medicinas sibi divinitus attributas in tempore agnoscunt: cervus sagitta transfixus, ut ferrum et inrevocabiles moras eius de vulnere expellat, scit sibi dictamnum edendam; hirundo si excaecauerit pullos, novit illos oculare rursus

12. 19 cf. Plin. Nat. hist. VIII 97

p169 de sua chelidonia: [7] peccator restituendo sibi institutam a domino exomologesin sciens praeteribit illam, quae Babylonum regem in regna restituit? Diu enim paenitentiam 25 domino immolarat septenni squalore exomologesin operatus, unguium leoninum in modum efferatione et capilli incuria horrorem aquilinum praeferente. Pro malae tractationis felicitatem! quem homines perhorrebat, deus recipiebat.
[8] Contra autem Aegyptius imperator qui populum dei alii 30 quando adflictum, diu domino suo denegatum persecutus [in] proelio inruit, post tot documenta plagarum discidio maris, quod soli populo pervium licebat, revolutis fluctibus perit: paenitentiam enim et ministerium eius, exomologesin, abiecerat!
[9] Quid ego ultra de istis duabus humanae salutis quasi 35 plancis, stili potius negotium quam officium conscientiae meae curans? Peccator enim omnium notarum cum sim nec ulli rei nisi paenitentiae natus, non facile possum super illa tacere, quam ipse quoque et stirpis humanae et offense

22 cf. Plin. Nat. hist. VIII 98 et XXV 89 23 cf. Dan. 4, 30
29 cf. Exod. 7-14

p170 in dominum princeps Adam exomologesi restitutus in para-
40 disum suum non tacet!

40 cf. Sap. 10, 1. 2 (?). Vita Adae et Euae 40

NOTE: please [notify me](#) if you find any typographical errors.

*Text edited by J. G. Ph. Borleffs, CSEL 76, 1957.
[Critical apparatus to be added later].
Transcribed by Roger Pearse, 2001.*